



নির্বাচন কমিশন সচিবালয়

শেরে বাংলা নগর, ঢাকা

ওয়েব সাইট www.ecs.gov.bd

ফোন ৮১২৪২০৫-৭

ফ্যাক্স ৯১২৯৭৭৩

প্রেস ব্রিফিং এপ্রিল ১৯, ২০০৭

প্রস্তাবিত খসড়া আচরণ বিধিমালা-২০০৭

এই বিধিমালা জাতীয় সংসদ নির্বাচনের রাজনৈতিক দল ও প্রতিদ্বন্দ্বী প্রার্থীগণের জন্য অনুসরণীয় আচরণ বিধিমালা, ২০০৭ নামে অভিহিত হইবে।

বিষয় বা প্রসঙ্গের কিছু না থাকিলে এই আচরণ বিধিমালায়

- (ক) নির্বাচন পূর্ব সময় বলিতে সংসদের মেয়াদ উত্তীর্ণ কিংবা সংসদ ভঙ্গ হইবার পর হইতে পরবর্তী সংসদ নির্বাচনের নির্বাচনী ফলাফল ঘোষণার তারিখ পর্যন্ত সময়কালকে বুঝাইবে।
- (গ) রাজনৈতিক দল বলিতে গণপ্রজাতন্ত্রী বাংলাদেশের সংবিধান অনুচ্ছেদ ১৫২(১) এ সংজ্ঞায়িত রাজনৈতিক দল যাহা নির্বাচন কমিশনের সহিত নিবন্ধিত হইয়াছে উহাকে বুঝাইবে।
- (গ) যথাযথ কর্তৃপক্ষ বলিতে সংশ্লিষ্ট জেলার জেলা মেজিস্ট্রেট বা তাহার হইতে ক্ষমতাপ্রাপ্ত অন্য কোন কর্মকর্তা এবং মেট্রোপলিটন এলাকার ক্ষেত্রে সংশ্লিষ্ট এলাকার দায়িত্বপ্রাপ্ত পুলিশ কমিশনার।

কোন প্রার্থী কিংবা তাহার পক্ষ হইতে অন্য কোন ব্যক্তি নির্বাচন পূর্ব সময় উক্ত প্রার্থীর নির্বাচনী এলাকার মধ্যে বা অন্যত্র অবস্থিত কোন প্রতিষ্ঠানে প্রকাশ্যে বা গোপণে কোন প্রকার চাঁদা বা অনুদান প্রদান করিতে বা প্রদানের অঙ্গীকার করিতে পারিবে না কিংবা সংশ্লিষ্ট নির্বাচনী এলাকায় কোন প্রকার উন্নয়ন প্রকল্প গ্রহণের অঙ্গীকার করিতে পারিবে নাঃ

তবে শর্ত থাকে যে, কোন রাজনৈতিক দলের জাতীয় ও স্থানীয় পর্যায়ের সার্বিক উন্নয়ন পরিকল্পনা পেশ করিতে কোন বাধা থাকিবে না।

- ২। কোন প্রতিদ্বন্দ্বী রাজনৈতিক দল বা প্রার্থীর পক্ষে আয়োজিত সভা বা মিছিলের দিন, সময় ও স্থান যথাযথ কর্তৃপক্ষের নিকট হইতে অনুমতি গ্রহণ করিতে হইবে।
- ৩। কোন প্রতিদ্বন্দ্বী দল কিংবা প্রার্থী সভা বা মিছিল করিতে চাহিলে এবং প্রস্তাবিত সভা বা মিছিলের বেশ পূর্বেই তাহার স্থান এবং সময় সম্পর্কে স্থানীয় পুলিশ কর্তৃপক্ষকে অবহিত করিতে হইবে। যাহাতে ঐ স্থান চলাচল ও আইন শৃঙ্খলা রক্ষার জন্য পুলিশ প্রশাসন প্রয়োজনীয় ব্যবস্থা গ্রহণ করিতে পারে।
- ৪। জনগণের চলাচলের বিঘ্ন সৃষ্টি করিতে পারে এমন কোন সড়কে জনসভা, মিছিল ইত্যাদি করা যাইবে না।
- ৭। কোন প্রতিদ্বন্দ্বী প্রার্থীর পোষ্টার, লিফলেট ও হ্যান্ডবিলের উপর অন্য কোন প্রতিদ্বন্দ্বী প্রার্থীর পোষ্টার, লিফলেট ও হ্যান্ডবিল ইত্যাদি লাগানো যাইবে না।
- (৭ক) কোন প্রতিদ্বন্দ্বী প্রার্থী কিংবা তাহার পক্ষে অন্য কোন ব্যক্তি উল্লিখিত স্থান বা যানবাহনের কোন প্রকার পোষ্টার, লিফলেট বা হ্যান্ডবিল লাগাইতে পারিবে না। যথাঃ-
- (অ) সমগ্র সিটি কর্পোরেশন এলাকায় অবস্থিত ইমারত এবং দেওয়াল বা যে কোন স্থাপনাঃ
- (আ) সমগ্র পৌর এলাকায় অবস্থিত ইমারত এবং দেওয়াল বা যে কোন স্থাপনাঃ
- (ই) সরকারী বা স্থানীয় কর্তৃপক্ষের স্থপনা সমূহ এবং

(ঈ) বাস, ট্রাক, ট্রেন, স্টিমার কিংবা অন্য কোন প্রকার যানবাহন। তবে শর্ত থাকে যে কোন ইমারত বা স্থাপনা দেওয়াল ব্যতিত পোস্টার, লিফলেট বা হ্যান্ডবিল ঝুলাইতে বা টাংগাইতে কোন বাধা থাকিতে পারিবে না।

(৮) একটি প্রার্থী ইউনিয়নে সর্বোচ্চ একটি এবং পৌরসিটি এলাকায় প্রতি ওয়ার্ডে একটির অধিক নির্বাচনী ক্যাম্প স্থাপন করিতে পারিবেন না। কোন সড়ক কিংবা জনগণের চলাচল ও সাধারণ ব্যবহারের জন্য নির্ধারিত স্থানে নির্বাচনী ক্যাম্প স্থাপন করা যাইবে না। নির্বাচনী ক্যাম্প যথাসাধ্য অনাড়ম্বর হইতে হইবে। নির্বাচনী ক্যাম্পে ভোটারগণকে কোনরূপ উপটোকন, খাদ্য ও পানীয় পরিবেশন করা যাইবে না।

(১০) নির্বাচনী প্রচারণায় ব্যবহৃতব্য পোস্টার..... সাদা-কালো রঙের হইতে হবে এবং আহার আয়তন কোন অবস্থাতেই ২৩ ইঞ্চি বাই ১৮ ইঞ্চি এর অধিক হইতে পারিবে না। পোস্টারে প্রতীক ও প্রার্থীর ছবি ছাপাইতে পারিবে। তবে প্রার্থী কোন রাজনৈতিক দলের মনোনীত হইলে বর্তমান দলীয় প্রধানের ছবিও ছাপানো যাইবে। পোস্টার ছাপানো সাধারণ ছবি পোস্টেট হইতে হবে। পোস্টারের ছবিতে কোন অনুষ্ঠান, মিছিল নেতৃত্বদান, প্রার্থনারত অবস্থা ইত্যাদি হইতে পারিবে না।

১০(খ) কোন প্রতিদ্বন্দ্বী প্রার্থীর নির্বাচনী প্রতীকের সাইজ, দৈর্ঘ্য, প্রস্থ বা উচ্চতা কোনক্রমেই (তিন) ০৩ মিটারের অধিক হইতে পারিবে না।

(১৩) দেওয়ালে লিখিয়া কোন প্রকার নির্বাচনী প্রচারণা করা যাইবে না।

১৩(ক) নির্বাচনী প্রচারণার জন্য কাপড় দ্বারা তৈরী কোন ব্যানার, টুপি, শার্ট বা গেঞ্জি ইত্যাদি ব্যবহার করা যাইবে না।

১৩(খ) নির্বাচনী প্রচারণার কোন গেট বা তোরণ নির্মাণ করা যাইবে না কিংবা চলাচলের পথে কোন প্রকার ব্যারিকেড নির্মাণ করা যাইবে না।

১৩(গ) নির্বাচনী প্রচারণার জন্য ৪০০ বর্গফুটের অধিক স্থান লইয়া কোন প্যান্ডেল নির্মাণ করা যাইবে না।

১৩(ঘ) নির্বাচনী প্রচারণার অংশ হিসেবে বিদ্যুতের সাহায্যে কোন প্রকার আলোক সজ্জা করা যাইবে না।

১৪। নির্বাচনে শাস্তি শৃঙ্খলা রক্ষার সুবিধার্থে ভোটকেন্দ্রের নির্ধারিত চৌহদ্দির মধ্যে মোটর সাইকেল বা অন্য কোন যান্ত্রিক যানবাহন চালানো এবং আগ্নেয়াস্ত্র বা বিস্ফোরক দ্রব্য বহন করা যাইবে না। কোন সরকারী কর্মকর্তা কিংবা কোন ব্যক্তি কোন নির্বাচনী কার্যক্রমের অবৈধ হস্তক্ষেপ করিতে পারিবেন না।

১৫(ক) কোন প্রতিদ্বন্দ্বী প্রার্থী বা রাজনৈতিক দল বা তাহাদের পক্ষে কেহ নির্বাচনী কার্যে হেলিকপ্টার বা অন্য কোন আকাশযান ব্যবহার করিতে পারিবেন না। তবে দলীয় প্রধানের যাতায়াতের জন্য হেলিকপ্টার ব্যবহার করা যাইবে কিন্তু যাতায়াতের সময় হেলিকপ্টারে লিফলেট, ব্যানার বা অন্য কোন প্রচার সামগ্রী প্রদর্শন বা বিতরণ করা যাইবে না।

(১৭) কোন প্রতিদ্বন্দ্বী দল কিংবা প্রার্থী নির্বাচনী প্রচারণাকালে ব্যক্তিগত চরিগ্রহণ করিয়া বক্তব্য প্রদান বা কোন ধরনের তিক্ত উস্কানীমূল এবং ধর্মানুভূতিতে আঘাত লাগে এমন কোন বক্তব্য প্রদান করিতে পারিবেন না।

(১৯) ভোটগ্রহণের জন্য নির্ধারিত দিনের ৩(তিন) সপ্তাহ সময়ের পূর্বে কোন প্রকার নির্বাচনী প্রচার শুরু করা যাইবে না।

(২০) কোন রাজনৈতিক দল বা প্রার্থী মসজিদ, মন্দির বা গির্জা বা অন্য কোন ধর্মীয় উপাসনালয়ে কোন প্রকার নির্বাচনী প্রচারণা করিতে পারিবে না।

অর্থ, অস্ত্র, পেশাশক্তি কিংবা কোন ধরনের ক্ষমতা দ্বারা নির্বাচনকে প্রভাবিত করা যাইবে না।

ভোটকেন্দ্রে নির্বাচনী কর্মকর্তা কর্মচারী, প্রতিদ্বন্দ্বী প্রার্থী নির্বাচনী এজেন্ট, দেশী-বিদেশী পর্যবেক্ষক এবং কেবল ভোটারদেই ভোট কেন্দ্রে প্রবেশাধিকার থাকিবে। কোন রাজনৈতিক দলের বা প্রতিদ্বন্দ্বী প্রার্থীর কর্মীগণ ভোটকেন্দ্রের অভ্যন্তরে ঘোরাফেরা করিতে পারিবে না। কেবল পোলিং এজেন্টগণ তাহাদের জন্য নির্ধারিত স্থানে উপবিষ্ট থাকিয়া তাহাদের দায়িত্ব পালন করিয়া যাইবেন।

বিঃ দ্রঃ আন্ডারলাইন করা অংশসমূহ সংশোধিত/নতুন।